



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Agenda Dioecesis Paderbornensis Rituali Romano
accommodata**

Hermann Werner <Paderborn, Bischof>

Paderbornæ, 1753

Benedictio herbarum in assumptione B.M.V.

urn:nbn:de:hbz:466:1-36023

V. Dominus vobiscum. **R.** Et cum Spitu tuo.

Oremus.

Subveniat, quæsumus Domine, tuæ benedictionis gratia huic o-
vorum creaturæ, ut cibus salubris fiat fidelibus tuis, in tuarum gra-
tiarum actione sumentibus, ob resurrectionem Domini nostri Jesu
Christi, qui tecum vivit & regnat in sæcula sæculorum. **R.** Amen.
Aaspergantur aqua benedicta.

Benedictio Panis.

V. Adjutorium &c. **R.** Dominus vobiscum &c.

Oremus.

Domine Iesu Christe Panis Angelorum, Panis vivus æternæ vitæ, be-
nedicere dignare panem istum, sicut benedixisti quinque panes
in deserto, ut omnes ex eo gustantes, inde corporis & animæ percipient
sanitatem. Qui vivis & regnas in sæcula sæculorum. **R.** Amen.
Aaspergat aqua benedicta.

Benedictio Panis alia

V. Adjutorium &c. **R.** Dominus vobiscum &c.

Oremus.

Domine sancte, Pater omnipotens, æterne Deus, benedicere digneris hunc panem tua sancta spirituali benedictione: ut sit omnibus sumentibus salus mentis & corporis, atq; contra omnes morbos, & universas inimicorum insidias tutamen. Per Dominum nostrum Iesum Christum Filium tuum, panem vivum, qui de cœlo descendit. & dat vitam & salutem mundo: & tecum vivit & regnat in unitate Spiritus sancti Deus, per omnia sæcula sæculorum. **R.** Amen.

Mox aspergat aqua benedicta.

Benedictio novorum Fructuum.

V. Adjutorium &c. Dominus vobiscum &c.

Oremus.

Benedic Domine hos novos fructus N. & præsta, ut qui ex eis in tuo
sancto nomine vescentur, corporis & animæ salute potiantur. Per
Christum Dominum nostrum. **R.** Amen.

Aspergantur aqua benedicta.

Benedictio Herbarum in festo Assumptionis B. Mariæ Virginis

Sacerdos indutus alba, manipulo & stola absq; casula, ante summam missam, habens
coram se herbas benedicendas, dicat signando se signo S. Crucis.

V. Adjutorium nostrum &c. **R.** Qui fecit cœlum & terram.

V. Domine exaudi orationem meam. **R.** Et clamor meus ad te veniat.

V. Dominus vobiscum. **R.** Et cum spiritu tuo.

Oremus.

Domine sancte, Pater omnipotens, qui ab initio fecisti hominem ad
imaginem tuam, & condidisti cœlum & terram, Solem & Lunam,
Stellas, & omnia coelestia & terrestria. Tu Domine dominaris potestati
maris, tu habes potestatem abyssi magnæ, tu condidisti omnia Elementa:

tu

tu bene dicere, & sanctificare digneris has creaturas herbarum, sicut benedixisti quinque panes in deserto, & duos pisces, & satiasti quinq^u millia virorum: omnesq^{ue} qui utuntur ex eis, bene dicere & sanctificare dignare, ut eis sit sanitas animae & corporis. In nomine Patris, & Filii, & Spiritus sancti. Et ab omnibus hominibus, pecoribusque, qui ex hoc gustaverint, omnem putredinem, & omne phantasma Diaboli amovere, & omnem morbum, & pestilentiam ac dolorem expellere digneris. Qui in trinitate perfecta vivis & regnas Deus, per omnia saecula saeculorum. **R. Amen.**

Oremus.

Suppliciter, sancte Pater, atq^{ue} subnixis precibus tuam deprecamur Clementiam, qui mirabilitate cuncta ex nihilo creasti, qui terram diversa proferre germina præcepisti, & varia medicamentorum genera ad sananda generis humani corpora herbis indidisti, bene dicere & sanctificare has diversi generis herbas, tua pietate digneris, ut quicunq^{ue} ex eis in hac solemnitate Venerabilis ac sanctae Dei genitricis MARIA sumpturi sunt, tam animae quam corporis sanitatem percipient. Et intercedente eadem B. Maria semper Virgine, sic earum usu jucundetur salubriter, quatenus in tuorum unguentorum odore paradisi januas adire mereantur, præstante Domino Deo nostro Iesu Christo. Qui tecum vivit & regnat Deus, per omnia saecula saeculorum. **R. Amen.**

Oremus

Deus qui universis generibus herbarum, humanis necessitatibus præstisti remedia: hanc herbarum collectionem tuae miserationis benedic dextera: ut quisquis languore depresso ex eis aliquid gustaverit, Ecclesiæ tuae sanctæ representatus, optatae munus salutis te donante percipiat. Per Dominum nostrum Iesum Christum filium tuum, qui &c.

Responsum.

Vidi speciosam, sicut columbam, descendenter desuper rivos aquarum, cuius inæstimabilis odor erat nimis in vestimentis ejus. Et sicut dies verni circumdabant eam flores rosarum, & lilia convallium. Quæ est ista, quæ ascendit per desertum sicut Virgula fumi, ex aromatibus Myrræ & Thuris. Et sicut dies verni circumdabant eam flores rosarum & lilia convallium. Gloria Patri & Filio, & Spiritui sancto. Et sicut dies verni circumdabant eam flores rosarum & lilia convallium.

Y. Ora pro nobis sancta Dei Genitrix.**B. Ut digni efficiamur promissionibus Christi.****Oremus**

Veneranda nobis Domine hujus diei festivitas opem conferat sempiternam, in qua sancta Dei Genitrix mortem subiit temporalem; nec tamen mortis nexibus deprimi potuit, quæ filium tuum Dominum nostrum de se genuit incarnatum: Per eundem Dominum nostrum Iesum Christum filium tuum &c. **R. Amen.**

H**Deinde**

Deinde herbæ thunisicenrur, aspergantur aqua benedicta & distribuantur.

Benedictio Ignis in Sabbatho sancto.

Dicta nona extinguuntur omnia lumina & lampades in Ecclesia, & Sacerdos indutus amictu, alba Cingulo Stola & pluviali Violacei coloris astantibus sibi ministris cum cruce, aqua benedicta & incenso, extra Ecclesiam benedit novum ignem excussum è silice dicens.

V. Dominus vobiscum. **R.** Et cum spiritu tuo.

Oremus.

Deus qui per filium tuum, angularem scilicet lapidem claritatis tuæ ignem fidelibus contulisti: productum è silice, nostris profuturum usibus, novum hunc ignem sancti ⁺fica: & concede nobis, ita per hæc festa paschalia cœlestibus desideriis inflammari: ut ad perpetuæ claritatis, puris mentibus valeamus festa pertingere. Per eundem Christum D. nostrum. **R.** Amen.

Oremus.

Domine Deus, Pater omnipotens, lumen indeficiens, qui es conditor omnium luminum: bene ⁺dich hoc lumen, quod à te sanctificatum & benedictum est, qui illuminasti omnem mundum: ut ab eo lumen accendantur atq; illuminentur igne claritatis tuæ: & sicut illuminasti Moysen ex eum de Ægypto, ita illumines corda & sensus nostros, ut ad vitam & lucem æternam pervenire mereamur. Per Christum Dominum nostrum. **R.** Amen.

Oremus.

Domine sancte, Pater omnipotens, æterne Deus: benedic nobis hunc ignem in nomine tuo, & unigeniti filii tui Dei ac Domini nostri Jesu Christi, & Spiritus sancti, cooperari digneris. Et adjuva nos contra ignita tela inimici, & illustra gratia cœlesti, simulq; ab omni læsione ignis nos & omnia nostra tuere. Qui vivis & regnas cum eodem unigenito tuo & Spiritu sancto Deus per &c. Amen.

Deinde benedit s. incensi grana ponenda in cereo dicens.

Veniat, quæsumus, omnipotens Deus, super hoc incensum larga tuæ benedictionis ⁺infusio: Et hunc nocturnum splendorem invisibilis regenerator accende: ut non solum Sacrificium quod hac nocte litatum est, arcana luminis tui admixtione resfulgeat: sed in quoconq; loco ex hujus sanctificationis mysterio aliquid fuerit deportatum, expulsa diabolicae fraudis nequitia virtus tuæ majestatis afflstat. Per Jesum &c. Amen.

Cætera ex Missali suppleantur.

Benedictio ad quodcumque comedibile.

V. Adjutorium nostrum in nomine Domini. **R.** Qui fecit &c.

V. Dominus vobiscum. **R.** Et cum spiritu tuo.

Oremus.

Benedic Domine creaturam istam N. ut sit remedium salutare generi humano: Et præsta per invocationem sancti nominis tui, ut quicunque ex ea sumperint, corporis sanitatem & animæ tutelam percipient. Per Christum Dominum nostrum. **R.** Amen.

Dein